



Organisation
internationale
du Travail



► **Ndalérewa yinshôshe
ka a pû pûen pe mfa' fa' tù
ntù ngu pamum mbéére nkü
fu' pua ntunté njù yùe
a nkupshekét ñâñâ ne**





Organisation
internationale
du Travail



**Ndalérewa yinshôshe
ka a pû pûen pe mfa' fa' tù
ntù ngu pamum mbéére nkü
fu' pua ntunté njù yùe
a nkupshekét ñâñâ ne**



Attribution 4.0 International (CC BY 4.0)

Cet ouvrage est soumis à une licence Creative Commons Attribution 4.0 International. Les conditions applicables à cette licence sont présentées à l'adresse suivante: <https://creativecommons.org/licenses/by/4.0/deed.fr>. L'utilisateur est autorisé à réutiliser et à partager (copier et redistribuer) l'ouvrage original ou à l'adapter (le remanier, le transformer ou s'en servir pour créer un nouveau produit) conformément aux termes de ladite licence. L'utilisateur doit clairement indiquer que l'OIT est la source de l'ouvrage et faire état de toute modification apportée au contenu original. L'utilisation de l'emblème, du nom et du logo de l'OIT n'est pas autorisée dans le cadre de traductions, d'adaptations ou d'autres œuvres dérivées.

Citation – L'utilisateur doit faire état de toute modification apportée à cet ouvrage. L'ouvrage doit être cité comme suit : Organisation Internationale du Travail, Guide de bonnes pratiques en matière de lutte contre les changements climatiques dans le département du Noun-Cameroun, Yaoundé, 2024.

Traductions – Si cet ouvrage fait l'objet d'une traduction, celle-ci doit comporter, outre la mention de la source de l'ouvrage original, la clause de non-responsabilité suivante : Ceci est une traduction d'un ouvrage de l'Organisation internationale du Travail (OIT) protégé par le droit d'auteur. Cette traduction n'a pas été élaborée, révisée ou approuvée par l'OIT et ne doit pas être considérée comme une traduction officielle de cette dernière. L'OIT décline toute responsabilité quant au contenu ou à l'exactitude de cette traduction, qui n'engage que la responsabilité de son ou ses auteurs.

Adaptations – Si cet ouvrage fait l'objet d'une adaptation, celle-ci doit comporter, outre la mention de la source de l'ouvrage original, la clause de non-responsabilité suivante : Ceci est une adaptation d'un ouvrage de l'Organisation internationale du Travail (OIT) protégé par le droit d'auteur. Cette adaptation n'a pas été élaborée, révisée ou approuvée par l'OIT et ne doit pas être considérée comme une adaptation officielle de cette dernière. L'OIT décline toute responsabilité quant au contenu ou à l'exactitude de cette adaptation, qui n'engage que la responsabilité de son ou ses auteurs.

Œuvres de tiers – La licence Creative Commons ne s'applique pas aux œuvres incluses dans cette publication qui ne relèvent pas du droit d'auteur de l'OIT. Lorsqu'une œuvre est attribuée à un tiers, l'utilisateur de l'œuvre est seul responsable d'obtenir les autorisations nécessaires auprès du détenteur des droits et sera tenu pour seul responsable en cas de violation alléguée.

Tout différend auquel la présente licence pourra donner lieu et qui ne pourra pas être résolu à l'amiable sera soumis à l'arbitrage conformément au Règlement d'arbitrage de la Commission des Nations Unies pour le droit commercial international (CNUDCI). Les parties seront liées par toute sentence arbitrale rendue en tant que règlement définitif du différend.

Toute question concernant les droits et licences doit être envoyée à l'unité des Publications de l'OIT (Droits et licences) à l'adresse rights@ilo.org. Des informations concernant les publications et les produits numériques de l'OIT peuvent être consultées à cette adresse: www.ilo.org/publns.

ISBN 9789220404669 (imprimé)

9789220404676 (pdf Web)

Les désignations utilisées dans les publications et bases de données de l'OIT, qui sont conformes à la pratique de l'Organisation des Nations Unies, et la présentation des données qui y figurent n'impliquent de la part de l'OIT aucune prise de position quant au statut juridique de tout pays, zone ou territoire, ou de ses autorités, ni quant au tracé de ses frontières ou limites.

Les opinions et vues exprimées dans la présente publication sont propres à son ou ses auteurs et ne reflètent pas nécessairement les opinions, les vues ou la politique de l'OIT.

La mention ou la non-mention de telle ou telle entreprise ou de tel ou tel produit ou procédé commercial n'implique de la part de l'OIT aucune appréciation favorable ou défavorable.

► MGBÈT'Î PUA NÔMBA SHI

Nyü'she yua a pua' tù ndalérewa na	2
Li shùkét mânshüt etd/bp - Yaounde	3
Shimo' nyü'she mi lerewa	4
Njùem shùkét	5
Shapître 1 : Nkûka nkupshe-fû' ndét ñwer i tù la' nùn ne	6
1. Mgbète nshôsh'i pua kèn ùe a ka're nga nkupshe-fû' nes	7
a. Shimo' kèn ùe a sénte nguon sâkéri na	7
b. Shimo' kèn ùe a yùen pô ntù la' na	7
2. Yua Sânsie Nùn pua' yire na	8
3. Yua a ntue ne nga nkupshe-fû' ne pua ka a ndét ñweri tu ngu na	9
Shapître 2 : Ndun ndun yua a nsüshe yu kpa'tu tù ngu pamum a	10
1. Yu kpa'tu pua nga ntunté-fû' tù Ngu Pamum	10
2. Pumme yua nkwet nkwet yu-kpa'tu tù ntunté fû' té mfa tù Ngu Pamum a	11
Shapître 3 : Yughére yùe a pô, mbe mbishe mi pe sâm ma	15
1. Ntùne-sù yùe apû pûen yi tù Ngu pamum a	15
2. Ntùne-sù yùe a ntue tue mbî pô nkée mi pûen yíé're tù Ngu Pamum a	17
Ma' môntu kùtùt : Pe pe ntùbe meshi' yingumshe ne ndùt-nshu	18
Shimo' lerewa shùe pe yùe'ne ntùm a	23
Ráne mi tù mi-shùkér ùe a pua' tù lérewa ne	23
Gha pi ntуетe	24

► Nyü'she yua a pua' tù ndaléréwa na

Wupme yintuete mbit nsâm yire yî ndaléréwa yùe a nzáne mi pùen tù ntù Ngu Pamum nsabe, yié apù pùen pe nshùshü' ñwer ap, mbit ngumshe ne li' ña yùe pe té ngum a pua' yua a pù, me nzié-yü, mi pe ráne mi pùen ntùm mbéere ntunté fù' yùe a nkupshekét na.

Ké pue pô tù Nsa'ngu yi ngomna, ké yi ntuetngu yi tù la' Kamerun e, yire yî pesa'kùe pua' yùe a nshùshü' wupme pùen rèni, mbit mfa nùshe-tu nkéé tù ka a pù pùen ghér a lo' tù ká nsie pua li' rèni té nshùetkére nganga na ña' yinshüere, tù rèn li', mbe nzon mi pue ma' mâ-mfên upue ntùm.

Wupme mfé mfé ndi' yu-tá tù yire yî tètngom lum ndo' yinja' na !!! A ghét na yire pùen ya'két tù pe-kùtùt pua pe-mishùkét sue-nshi', mbe mfa wupme shap, me njá me njá, tù nga yingumshe ne nsie me mfù pùen rèni : « Fa' mansie, fa' tô-mfa » ; « Fa' mansie, nka' ngure » ; « Fa' mansie, ndüt mbôkét »... Yire yî na nzáne mi mi : mbu' mbu' pùen tù Afrika yi rènkéri, lo' ngopshe pe ndi', yua mün yétne yimbam ne pu i na ne yùe mün yétne yimbam pô ne wupme shi na, lo' tù ntunté yùe mün pua' ntùm a. Mbí pit njétne yimbônekét râne pa-tù la' pua ngét nga shap yùe a yétne yinsue nshi' mu pue pua kù shupue mfa ndun yu njü yùe a pua' pô sùent'í na.

Yire yî ndaléréwa ráne-mi na mbône tù ndi' imo' : ngétngam ùe a pù mi mün pe ngére, ña yùe i ngum ma, yié a pua' yintuete tù ndaléréwa « Wupme Mfon » yié Mfon-mbière ghüeshe na, wupme yùe a nkùre fa' yùe patù la' mfa'a, mbe ngumshe ne li' shùe a pua' ñürüt mbe ndem ndem, na mbí ghét li' t'í i na, yié mün ka mfa' fa' tù ngu Pamum a.

Pe ghét na yire yî Ndaléréwa ráne-mi a wuon njùne pua wupme yùe a pua' tù mgbète-fa' Nsa'ngu yùe a nshùkét tù nga kupshe mfa' fa' tùtùni tù páshe yi mfenjü, ne yimbe mvù-mvù pua pa-meli', tù yire yî fù' yùe nga ghapshe fa' pua' mansie na.

Yi pua' li' yinsuensi' ndaléréwa nùshe-tu : « Ngu Pamum me yé lum 2050 tù Kamerun mfé : nshumbôkét ne yu'ne-nwet, lum 2022 » pe na nshùkét ntùm, a pe mkparé', mbe nzié tù yire ndaléréwa nkùka mün yétne yinto'she nshùshü' ngu nkù ká fù' té nkupshekét na. Pefa mün pe ntù pa-shi'shi' yùe a pua' manjem nsie na pô nkù na fù' yié a mbishe mi i wumshe ne yimvu' ne nsie, na mbe nshôshe po yiéka a pù pùen kpa' mbône mbe mbüre yire nsie pua ngu yua a pua' ntùm a ? A yina nshu pua ngétngam mbí yétne yingét mi pashi'shi' shupue yùe a pua' nùrùr a shôshe nshu mupue shôshe shi' tue pô ne nshue me fâne yupue ? Yire yî ndaléréwa ráne-mi na mfa mbüt shire shí yu pishe.

Pù na nsue nshi' fa' yùe a tét mbe me fâne « Nshôshe nga fa' tù mbône njùmansie (OIT) » po Ngu Pamum, yùe tésù-fa' tù Ndanshüt Nsa'ngu (Ministère) yùe a njùen nga li' ña yùe mün ngum ma pém yinshâr'í i tù pesa'kùe yùe yire yî ndaléréwa ráne-mi mfakét ndun ndun na, pua yu yié're yùe a pua'két ntùm, pe pî shôshe meshi' mbône-mün a.

Yire yî na njùne po ODD n° 8 yùe a nshùkét meshi' nga yimfième nkap pua pashi'shi' mi a yùne po môntu i 8.9 yùe a nshùkét tù nga yimbe nyíkéré yùe apù mi a lâre na, ne ODD n° 13 yùe a rét yi pô tù ntunté yingumshe ne wume njü yùe a nkupshekét na, mbí râne yi pô pua pōntu pi 13b tù pètte nga fù'she-ñwet meshi' fèt nga nkupshe-fù'.

Pù na mfa ayùe ne BIT yùe fa' shap tù yinto'she ne ghâ-yi pua nkap ghét nkù ka pe ntùme yire yî me ndaléréwa ráne-mi na.

Mbié' yire yî ndaléréwa yùe a pua' yi lét yum mbit nkù mbe yi fa' na, yétne yinku'she pètte patù-la', pa koma ngu pua pi tù nganyinyi, na tùtùni njámùn, pue yùe pe pua' ré-tumânjé la' Kamerun e, ñere mi pe yi yimbe, mbit nji yingére.

HELE Pierre

Ministre de l'Environnement, de la Protection de la
Nature et du Développement Durable



S.M Mouhammad-Nabil MFORIFOUM
MBOMBO NJOYA

Sultan-Roi des Bamoun

M. Njoya
S.M. Mouhammad-Nabil Mforifoum
Mbombo Njoya
Sultan, Roi des Bamoun

► Li shùkét mǎnshùt etd/bp - Yaounde

Mùn na mbe kit mi mi, i yùen mi nkupshe fù shi' na mbô mvù mvù pua pùen ; tûtùni tù shimo' sânsie njùmansie, ña yùe pe ka pe mfû ne mbântù njù na. Yam li' ña yùe nsie shùetkét tù Kamerun tù yire yí komshe fù' na pua lo' tù nsèn-tùtù shùe pe mgbèt ngu fù' mentén shi' sap ; nsie yùe pe ntù mfa nyi, ntù mfa ña na, nshùere-nsie, min ùe a ntumkét tù nda-fa' ngure na. Shire shî nkù nkù yua a mbùbe mbit nsètekét li' ne, na nzâne mi nshaño mi a pua' tù li'ti'i mi pe nyi tù mgbète nshôshe nga gbèt-ña're nkù' yire yí fù' yùe a nshùerekét, lo' tù fù' yùe a nkupshekét, mùn ntap mbit nji i mi mbù ntue lishe ndù'kùe ? mbit njùen nga yimbe mfù'she li' ña yùe pue ngum ma, ñère mi njamùn ùe pe pua' ñùrùt ñãñã na ne shùe pe ntue manjem a, pe yié're yinshu pòkéri tù fù' yùe a ntue manjem a, mǎka yire nshu na ntue pit fù'she nga fa' pua sée yùe a ntue tum ntùm ku'she tù rên shîmù na.

A ghét na yire OIT yùen nga yimbu'két mbit ngumshe ne nshut-fa' mfé mfé meshi' pembâ pua pemgbie, mbî pit mbû meshi' yingumshe ne li' shu na a pe mkpara' yum tù mgbète fa'shi. A ghét na yire pe pém fa' fa' pua' nshût ñère mi pe kpa' mbône nsétne wupme nshür ùe a pua' mi pe yâbe nga fa' yùe a lo' fiém me fù' rên na mbi pé nki mi pô tù la' na. Yire fa' mbône pit na nto' kuri tù (i) nga féère nsèn Maka yùe a pua' tù sânsie Mfembuot, mbî pit mbé tùtù mfé tù « 6 hectares », (ii) yi mbètte ghâ-ntum pua pa-shiép, mbit mfakét lérewa yùe a nshùkét tù nga nkupshe-fù' na, (iii) yimbètte tésù yùe pe pua' tù nshût ne shùe pe pua' tù shimo' ndanshür ùe a mbône shimo' pa tù nshür e menga fa'fa' ne yua a nzâre pùen ne ndùere na (TIC), shi' lâne yimbe nto' li tù nga tâ patâ pua nga artizana.

Yire yí ndalérewa ráne-mi na ntue kùmshe pùen mi : mùn yétne yintù pa-shi'-shi' yùe a sueshekét mansie ne, na mbe ngumshe ne li'shu meshi' shupue pua shi' pon p'upue yùe pe ntue manjem a, a pua' ndâ yu kuot-ntâ mi pontâ shùe pe pua' két mbône na yétne yimbu'két shimo' yu fa' meshi' yintùe' mbit ngumshe ne li'shu nganga vùt-nké ké tâm ùe pe fù'shekét meshi' pùen na. Yire yí ndalérewa ráne-mi pua' mo' fu' yùe OIT ntue mén tù fa' ne pamme-mbue yùe a pua' me fâne l'ONU po Nshût pamum a. Me na nsue-nshi' fa' pamme-mbue yùe a pua' me fâne Nshût pamum, MINEPDED pua OIT na.

Mbié' yire yí ndalérewa ráne-mi pe ngâm ngu patù la', ngu liénjù, mentén, manjem, a wuon wuon nyí pue shimo' mbône mùn, tù mo' mgbâ Kamerun.

Pòkét yinjanke.

Ali MADAI BOUKAR

Directeur a.i. ETD/BP Yaoundé



► Shimo' nyü'she mi lerewa

CC	Nkupshe-fù
CDN	Mbône wupme mfa tù mbènkuo' la'
GES	Gaz à Effet de Serre
GIEC	Mbône ndun ndun ghâ-nû tu, yi Nsa'ngu, tù nga Nkupshe-fù'
MINEPDED	Ministère de l'Environnement, de la Protection de la Nature et du Développement Durable
OIT	Ndanshür ùe i njùen nga Fa' tù Njùmansie na
PNACC	Plan National d'Adaptation aux Changements Climatiques

► Njùem shùkét

Nga fù' pua ntunté-li' yùe a nkupshekét na méé tù mbènkúo' yùe mún mâ njétn'i yimbit mbe ntâmshe ghét nshíe yùm, shi' shùkét ntùm a mengaka yire ntunté yétne yingét ngu yùm mentén kupshe pokéri nganga púkéri na, tûtùni ndun múnnyùtu ; (PNUE, 2008, CDN, 2021). Yire ntunté yùe a mfa pùe ne na ndét ñwéri tù fù' lum ùe a nkunte nguo sùsù na, yimbe shi' pe nké, nganga mbù yùe a nshi' mbe ntô po rèni, a pe líne nké pe ndi' mo', patâ yíé pit njétne yap yinsèn rèni tù fù'i, pa-pé pit nkù ntùm yap nsie pô meyét, mbù pi sètekét ndap, mbùbekét nsie ne yinguon ne mfùem ùe a pua' ntùm a, nku'she ndù penyam ùe pe mkpùkét na, nguon méé méé ndun pùenyùtu.

Nsa'ngu Kamerun, nguèngùe yíé shimo' ngu tù njùmansié na nùshe-tu tù yire ngu yua a ntue nùne wume pùen ña yùe pe nshu na nguèngùe yíé shùe pe kpa' mbekét mentén tù ntù ngu na. Pe tét nùshe-tu njùen yua pefa pe ghér a, ndu' yingére, mbe nguon mén tù ngu mbènkúo' pùen mentén ñère mi pe pe nzéé ngén meshi yingumshe ne pa-shi'shi, pua pùen, ne ngu lí' ña yùe pe nshukét na pua yua a lo' fa sée ne pùen a. A lo' na tù yire wupme, Ndanshür ùe i njùen nga fa' tù njù na (OIT), MINPDED ne Nshüt Pamum, mi pe na pône wupme shap pua nshi' map, tù fa', ñère mi pe ma li pô ndu yimbe ntùp pùen tù ntù Nùn ndun nga fù' pua ntunté njù yùe a nkupshekét na a li, pe pit ntùme yire yí me ndalérewa ráne-mi mfa ne pue ñère mi a lùere wap ne yinju' yua a pua' nga nkupshe-fù' na, ne yimbit nji pókéri, yua a lo' ghét pe yañe nju' mbit mvé ngu wupme yùe pe tuete tù yire yí me ndalérewa na.

Yire yí ndalérewa ráne-mi yùe pe tuet'í me shapître shi itèr e, na ntue ghét pue yu' yíé nga nkupshe-fù' pua ntunté lí' ndét ñwéri na pua yua a ndo' ntùm tù la' Nùn a (shapître 1). Manjem, a shi' ndét pô yua a yétne yimvit ntum ma, lí' yétne yimvit nkupshe ne, pua yua ma'mòntu i yétne yimbe yire tù ntù ngu na (shapître 2). Ndíne ndia'shí ne yingùeshe wupme pua ka mún pe ngét mbu apù na. (shapître 3).





Shapître 1

Nküka nkupshe-fù’ ndét ñwer i tù la’ nùn ne

Nkupshe-fù’ na ndét ñweri tù mfù’ ri’ yùe a shèt ndu ndun nsie yùe pùen ngum ndun a. A na ngét yire ri’ yùe a nkumshe ndun nsie na, gaz pe pône rèni nkée tù ghamnjù, a nèn wume yùe a pua’ me fâne nsie po mba’ tù ghamnjù na.

Pe na ngupme mi yire nkupshe-fù’, eñ nganga mbé, na ndo’ tù yua mùyùtu ngét mbe mvu’ mba’ yùe a pua’ tù ghâmnjù, me fâne pût po nsie, yùe a mbe tue kpa’ tamme, a nshi’ mfa yua a mfa na, tù fù’ yùe a pe mbe ndi’ yire na ; yire yi pua’ lo’ tù nshôsh’i yùe CCNUCC mbi ka pi gbète nzáne mi tù nga nkupshe-fù’ pua ntunté njù na.

Njinji fé-mû yùe a nkuo’ tù ghâmnjù a pî ghét mùyùtu ne ntap ndu’i pô tù ndî nguèngùe li’. Shimo’ na ndo’ tù üzin ùe a pua’két tù li’ li’ na ; tù yua a ntùmkét manjem nsie yùe pe ntùkét shi’ tünne na ; tù matua yùe a nyí shi’ téne, mbe mfa njinji rèni ne, tù fa’ mansie, patâ pua tùtù yùe pe mgbà’két tù nsèn shi’ sab e.

Kamerun yùen na mi i na kpa’ pua shimo ngu shùe pe pua’ tù yire nguèngùe ntu-nté na, sèn lérewa yùe pe tuete mi : ghâ-pi nsène ma pit mbe ngét yua a lo’ pe fa’ nî i pua nga yingumshe ne li’ wume pua ngu yua a pua’ ndun nsie na, mâka yi Kamerun nsie ndi’ shi’ pe pô pôkéri na.

1. Mgbète nshôsh'i pua kèn ùe a ka're nga nkupshe-fũ' ne

A na njũen mbit mgbète MINEPDED nshôshe nga wumshe ne li' shu pua yi wume tũ la' Kamerun. Yire nshôsh'i na nguo mbuop mbĩne pua shimo' lérewa-kèn ùe pe tuetekét tũ mbu' mbu' li' tũ njũ mansie na.

a. Shimo' kèn ùe a sénte nguon sâkéri na


- ▶ Kèn ùe paAfrica shôshe mbe mbééere nga njũ pua ngu pashi'shi' yũe a pua' ntũm a. Pe sèn na ne 29 mùt Fũ-Ngũ 1978, a pua' pe ne 29 mùt Mbĩ-Nkũre 1978, pe lu' yimfa'fa' ne yire kèn.
- ▶ Kèn ùe pe ka sèn ma Abidjan, a nshùkét tũ nga to'she yíenké ngutngure yũe à kône
- ▶ Afrika tũ mgbâ nkum-mbũ, Afrika mfe ghùeghũe ne Afrika matũ nshũn'i, kèn ùe pe pètte de lum 1983 ;
- ▶ Kèn ùe pe ka sèn ma Vienne ne lum 1987, a nshùkét tũ nga yingumshe ne mo' mba' yũe a pua' me fâne pũt po ghâmnjũ na ; pe pètte na yire kèn ne 30 liénjũ tũ mùt Shu'Pâm lum 1989.
- ▶ Kèn lo' ma Rio lum 1992, yũe a nshùkét meshi' ndundun wube njũ, yũe pe pètte ne 19 mùt Mbâ ngũngâ lum 1994 ;
- ▶ Kèn lo' ma Rio lum 1992, yũe a yũen nga nkupshe-fũ', yũe pe pètte ne 19 mùt Mbâ ngũngâ lum 1994 ;
- ▶ Kèn ngure yi Lonũ yũe a yũen nga nkupshe-fũ', yũe pe pètte ne lum 1992 ;
- ▶ Kèn ngure yi Lonũ yũe a yũen nga yintũe' nkuen-sũmwa, pe pi pètte ne 29 liénjũ tũ mùt nzun lum 1987 ;
- ▶ Kèn lo' ma Kyoto yũe pe sèn ne lum 1997, pe pém ne 23 liénjũ tũ mùt mbũnzem lum 2002 ;

- ▶ Nshôshe-ngam ma Montréal meshi' shimo' yua a mbe kuo' nku tũtũ, a njũre mba' yũe a pua me fâne pũt po ghâmnjũ na, tũtũni yua pe mfũ ne Chlorofluoro carbone (CFC), pe pètte na 17 liénjũ tũ mùt nzun, lum 2004 ;
- ▶ Mbône yupéme ma Paris tũ nga nkupshe-fũ', pe pètte ne 12 liénjũ tũ mùt mbũnzem lum 2016

b. Shimo' kèn ùe a yũen pô ntũ la' na

- ▶ Kèn 96/12 yi 05 liénjũ tũ mùt shu'-pâm lum 1996 ;
- ▶ Kèn nkũe' 98/031 yi 9 liénjũ tũ mùt nshuopmbũ lum 1998 yũe a yũen mgbète ka pũen yétne yinshũ'shũ' ñwer ap fũ'ka njũ nta' yimbũbe na nganga fũ'ka nshiéshíe yu pũkét ñña' na ;
- ▶ Kèn nkũe' 2012/431 yi pum liénjũ tũ mùt mbâ-ngũngâ lum 2012 yũe a nshôshe « MINEPDED na ;
- ▶ Kèn nkũe' 2011/2584/PM yi 23 liénjũ tũ mùt shu'-Pâm lum 2011 yũe a nshùkét tũ nga yingumshe ne nsie pua majem nsie na ;
- ▶ Kèn nkũe' 2013/0171/PM yi 14 liénjũ tũ mùt kũwuom lum 2013 yũe a nshôshe yíe mũn pe nta' yíe're yum tũ nshu-pũen i yétne yíngét na.
- ▶ Mento' kèn 00001/MINEPDED yi 08 liénjũ tũ mùt kũwuom lum 2016 yũe a gbète fa' me mbènkuo' na, a mbishe mi pe pe lo' fa' nshiésh'ĩ, pe pi pum nshu nka', mbit njũen mi nshié yu wuopshe mgbũ tap mbũ i ntũm tũ mgbâ ka pũen nshu na ne mbône mũn nké é.

Shimo' pesa'kũe yũe a mã ntum i ña yi ne pua' tũ yíeyèn MINEPDED : <https://minepded.gov.cm/fr/le-ministere/textes-juridiques/>



2. Yua Sânsie Nùn pua' yire na

Pe pu' na sânsie Nùn ne lum 1960, i pe mo'ndî tù rû fam (8) sânsie yûe a pua' tù rejion nkum-mbù tù la' Kamerun ne. Nun wiyi'she ya' pâshe réjion mentén ; ngé' pua' 7687 kilométa. I pî pua' tù fâne 10° 27' po 11° 20' longitude Est ne 4° 55' po 6° 15' latitude Nord.

Yire yî sânsie yûe nshishiri pua' Fembèn ne, pua' ne (09) Mbalù : Fouban, Foubot, Magba, Massangam, Malantouen, Koutaba, Kouoptamo, Bangourain po Njimom.

Sânsie Nùn pua' tù mgbâ ña yûe pe mfû ne Nsie ñâne, ña yûe mfû' nù pua' me koru'i, mfûe nkuot rèni na ; mbù na ntô ñùrùt me fâm mùt : lo' tù mùt nshuop-mbù nguô méé tù mùt mbâ-ngungâ ; lum shù yî me kpa mùt, lo' tù mùt mbînkure nguon méé ne mùt kûwuom.


Mùn na mbe kpa'she fû' mfûe pua fû' ri', yûe a pua' ghùeghûe ne pe 27,5°C, na nku'she ne 2,5°C yié nù ri' rèni na.

Nsie Nùn pua' pô vu'kéri tù mbôn'î, shimo' li' ña yûe mvâ pua' ne, a pe shùmkéri tùtùn. Mbône nké yûe a nja'két tù ntù ngu yâme mbit mbe shi ngutngure yîéka : Nùn tù nkum-mbù, Mâpé po Vî tù nkum-lùm.

Pe ne ngupme mi mbône mùn yétne yimbe (600 000) ntûnkût nkam mùn, pemgbie pe ngâ yu têngom mùn nshuot-ikpa ndun nkùri (54%), pe ntâ têngom mùn nshuop intû (56) tù ndî pâshe li'. Ndun ndun tùm pua' tù ntù ngu mbe ngum tù yu'ne-ñwet.

Mbe tue tù mgbâ ntuetngu, ngu Pamum pua' yinsènte me mbu' mbu' pa shiép me nzie yi ngomna : yûe pe pua' tù pum mbènkua' na pua' mfe tù nshût ; sânsuob i (17) pe tù mbète mbènkua' pe mfû shire ne pa-me-li', nkût pashiep ntûngom nshuop intû (166) pe tù ndîne mbènkua'.

Pa-tù la' na mfa' fa'-mansie, ntâ patâa, mfa' fa'-ntumbuo, ntû nsie pua nguô, mgbèkét tùtù mbit mvé nsha, ngui mentén pe mi pe ya' ntùm ngum.



3. Yua a ntue ne nga nkupshe-fu' ne pua ka a ndét ñweri tu ngu na

Nshôshe ka apũ mũn pe nshu nshu-mbiép menga nkupshe-fù' (PNACC) na nzie mi Ngu Pamum na njañe nkweite yá-nshîere yi penyam, yá-nshîere yi pũenyũtu yíeka koléra, fù'lũm ùe a nshũ rèni mbũbe yum a, fu yùe pe nsue tũ nsie a pũbe nsie, mbũbe nké pua fũfũer e, nké shũe a mfüt, nyi mbũbe nsie ne, pua li' shũe a nshũetkét na.

Na pumme yua a ntuekét ne nga nkupshe-fù' tũ Ngu Pamum a pua' shire shî ña mi :

- ▶ Nga ta' yua shĩmũ lo' pe ngum mén ne ;
- ▶ Nga gba'két tũtũ meshi' yimfi i, pua shi' kwete li' fa' mansie ne li' tâ penyam ;
- ▶ Yimfa'fa' mbit mbe ntâ patâ tũ li'nsie yùe pe shiékét, mbe nkit fu ntũm, nsue angré pua shimo' produ ntũm a ;
- ▶ Tũ nguo pua sũemwa yùe a nkupshe mfũ' nsie pua nké ne fũfũer e ;
- ▶ Mbũ yùe a ntô kũkéri tũtũn a...

Pue na ntue yũen yua a nkiére nkupshe-fù' na tũ tablo yĩ mansie :

Nkũka NF ngét na	Yua a ndũkéri na
Mfüt nké	Yùe a ngét ne ñweri na : mbũ yùe a ntô rèni tũtũn a, nkũka li' pua'két na ; puo'she, nkop-nké, kuop) Yùe a ngét mũnyũtu na : vu'két nshôshe nga kit-min ; vu'két nkut-nda tũ ngu ; likét nshôshe nga kutkét li ; pũkét mfũ' yukure (pũkét mfũ' tũkét rũ pua shimo' li' ya' mfashére)
Nshũ lũm	Yùe a ngét ne ñweri na : ntunté nũ yùe a mvit mbe mbũnte na, (fũ'mbũ pe pô me shôtkéri), (fũ' yùe a pua'két shi' mũn mbit njétne yinzié yíe a ntue pe na : mbũ yùe a ndue shẽndu na, fũ' lũm ùe a ngét nũ nzi' tũtũn a) ; Yùe a ngét mũnyũtu na : tũtũ yùe pe mgbá' shi' tũnne na, nsie shi' njãm pô nsie-rãkpí, nké yùe pe nshi' ntũ pô tũ ngu li' mentén, mbe nkite shi' pit ngupme mi a yétne yimié mansie na.
Lemkét nsie	Yùe a ngét ne ñweri na : ntunté nũ yùe a mvit mbe mbũnte na, mbũ ngutngure yùe a ntô tũtũn a. Yùe a ngét mũnyũtu na : gbèt tũtũ rèni ; tũ-nsie rèni, mbe nta' nguo mbôkét pua lemngot ; vu'két nshôshe nga nsie.
Fũfũet nkũkét	Yùe a ngét ne ñweri na : ntunté nũ yùe a mvit mbe mbũnte na, mbũ ngutngure, kũkét mba' fim. Yùe a ngét mũnyũtu na : gbètkét tũtũ rèni.
Gba'két tũtũ	Yùe a ngét ne ñweri na : yá yùe a yétne yindo' tũ ngũnga, nshîere tũtũ na, tâ-tũtũ yùe a nsèn mũn ntap nji i mo' na ; Yùe a ngét mũnyũtu na : fé-mũ tũ nsèn, fa'-mansie ; fa' ne máshi, tókét mánjé, kutkét li', gbèkét tũtũ tũ nsèn.
Nsũente nsie	Yùe a ngét ne ñweri na : nkũka nsie pua'két na, kũkét mbũ yùe a ntô rèni mbe nyíkét tũ fâne nsie, nshũlũm, lem kété nsie, wetne-nsie. Yùe a ngét mũnyũtu na : yimgba'két tũtũ, yinkite nké, yinéé ntêt-ngu vu'kéri, yinkutkét ndap nku ndun mbère nganga tũ nshũere-mbère.
Ndũkét nsie	Yùe a ngét ne ñweri na : nkũka nsie pua' na, mbũ yùe a ntô kũkéri mbit ntô rèni na, nsie yùe a ndũ na. Yùe a ngét mũnyũtu na : yimgba'két tũtũ, yimbe ndũ nsie ; yimbe ngét li' ngwere fũ'ka pe ntũ nsie mbe nta' yum manjem e, nganga pe nta' nké na.
Nshũere nsie	Yùe a ngét ne ñweri na : lo' tũ mbũ yùe a ntô ne kũ shi' tũn ne ; nké yùe a mfüt nsí li' na, nshũlũm pua penkũ yua a nja'két na. Yùe a ngét mũnyũtu na : nsie yùe a ngwet na, yùe pe mbi shupshekét yũm ndun rèni ; nsie yùe a nshũetkét na.
Pũbe nsie ne nké mbũkét	Yùe a ngét mũnyũtu na : lo' tũ ũzin ngutngure, tũ lemngot, gba'két tũtũ tũ nsèn vu'kéri, produ yùe pe nkitekét tũ kafé pua shimo' papé na.
To'she penyam	Yùe a ngét ne ñweri na : mbũ yùe a ntô rèni, mbit mbe kũkéri na, nganga nshũlũm ùe a ntô fône ne petâ na.
Nsí-li' ne sũemwa	Yùe a ngét ne ñweri na : fũ' lũm ùe nũ mvũ nshi' nzi' pô sêtndu ya, fim ùe a nũnekét li' na, mvopnsie yùe a nkem rèni na. Yùe a ngét mũnyũtu na : tũ sũemwa pua nguo.



Shapître 2

Ndun ndun yua a nsüshe yu kpa'tu tù ngu pamum a

Yu kpa'tu pua' yua a yétne yintuo ne ngambükér e ; a yétne yimbe yuyù nganga yua a pua' meshi' shüshü' mün'yütu na, yua mün'yütu ngét na nganga yua a yétne yingét püen kpù rëni na, nganga ndüemkét na, ké yùe a nsue-fèt tù wume mün ne, ké yimbùbekét yua a pua' pashi'shi' na, ké yua püen ngum ntüm ma, pua yùe a yétne yingâm püen ne, ké yùe a mvuru' nshôshe nga ntèn ne, ké mbù nshuli' ne. A pe yùe mün ntue ne yua a pua' meyaré'é na, mbit nku'she yua a tèt mbe yu kpa'tu ntüm a, a yié yu fa lùep.

1. Yu kpa'tu pua nga ntunté-fù' tù Ngu Pamum

Yu fa lùep na nkuome ndo' tù :

- ▶ Ndun ndun yua mün ngét yiéka ntèn, fa' mansie, tâ patâ, vé nsha, fa' ntumbue, tù lemngot pua gbèt tùtù ;
- ▶ Pa-shi'shi' yùe a ntum tù yua mün mbi sète na (yua pe mbi kutkét a pe yi mbendem mün a) ;
- ▶ Nshu mün ùe yá mbit ntue nku'shekét ntüm a yié : yi ngup mün, yi mfumfu' pua wù yùe a mvomkét püen a ...

Tablo yi mansie na nzáne mi pô tù râre yùe a pua' me fâne yu kpa'tu pua yu fa-lùeb ùe a pua' tù Ngu Pamum a.

Yu kpa'tu	Yu fa-lùep
Nku'she-ri'	Nshù-lùm, fùfùet nkùkét nkùkét, lùm tù nsèn, nshùere-nsie, tâ-mâmba pua shimo' pe-tâ.
Kùkét mbù yùe a ntô ne	Füt-nké nsíkét li' ; yâ-nshiére yi penyam ; yâ-nshiére, yi pùenyütu (koléra), lù-nsie pua shùere-nsie, shùetkét-nsie.
Fa'fa' ne yu fùeme nsie (mfùem lo' tù üzin, fu kit tù nsùm)	A ngét mbùbe nké pua nsum, ntue ne yâ-nshiére (koléra)
Gbèt tùtù tù nsèn	Ma'fom nsèn
Yintù nsie mbe nta' yum ntùm (ne mbue nganga ne mashi)	Sùemwa shi' ndùri ; yâ mfumfu', mvop-nsie yùe a nkom rèni na.
Min ùe a ndo' tù fa' mûnyütu na : (ngup-tùtù, nsû'-kuom, ngwet minkét)	Yire yi ngu yùm mentén na mine nké pua nsie mbe mfa yâ-lamntùm pua yi ñwet-mùn

2. Pumme yua nkwet nkwet yu-kpa'tu tù ntunté fù' té mfa tù Ngu Pamum a

Nkwet nkwet yu-kpa'tu tù ntunté fù' ntap nshinn î pô ndu yua mûn ngét na a li, a na mbit nùne mûnyütu, mûn tù ngu nké é ; tù :

► Nga fa' mansie

Nshinne yùe nga kpa'tu tù ntunté fù mfa tù nga fa'mansie na :

Yu fa-lùep	Ma'môntu i
Füt-nké nsíkét li'	Nga pùbe nsùm Mbâ-fa' mansie sù'she rèni Nsû nsie ntùme mfùem ntùm Nsie yíé pit mbù i mo' Petâ nyí nsùm
Nshù-lùm	Ri' ntòntekét papé Nké yíé ndi' tù tâm Petâ pua tâ-mâmba pit nsèn shêtndu Nsie yíé pit njén'í fa pâm Fù' fa'mansie yíé pit mbù i pòkéri
Fim pua fùfùet nkùkét	Yùe a nsète pa-pé yùe a tét mbe tù nsùm a.
Ntôn-lùm	Yùe a ntònte nsùm pua ngup nsie na Ngét mfùem yíé ndi' rèni tù nsùm a
Lùkét-nsie/Nùne-nsie/ Shùetkét-nsie	Yùe a ngét mbùbe li' shu, li' fa' ne Yùe a nsète yua pe pé na ;
Lemkét nsie	Yùe a nsète yua pe pé na Yùe a mbùbe nsie na
Pùbe nsie ne prodù sue tù nsùm	Yùe a nguon nyi tù nsùm mbùb'í na Yùe a nguon nyí mbùbe yua pe mfiét tù nsùm a

► **Nga tâ patâ a, nguo méé méé tù nga vé-nsha pua nga tâ-nsha**

Nshinne yùe nga kpa'tu tù ntunté-fù' mfa tù nga tâ-patâ, vé-nsha pua tâ-nsha ne.

Yu fa-lùep	Ma'môntu i
Füt-nké nsîkét li'	Nké sètekét tam-sha Li'shu ntuet ntuet nsha yié ndi' Shimo' yua a pua' méé nké na, sú'shekét Yâ-nshiére ku'shekét ndun penyam
Ntu-nté fù' yùe a nkupshe nkuo'she na	A na ntuekét ne mevú' tù li' shu ngu yua a ngum méé nké na, ntu nté fù' mbe kupshe kuo'she pe shu apú méé nké ne..
Nshù-lùm	A na ngét ngùngâ sú'she Linké yùmkét, pua nké shùe a nja' na, vùt-nké pua shisha'. Penyam ntap mbit nù yap yum pòkéri Penyam nshi' mkpùkét li' li'.
Fim pua fùfùet nkùkét	A ntue nsète nka' yùe pe mbí kut meshi' penyam a
Ntôn-lùm	Yùe a mfé li' yù penyam a Nshi' ngét li' shu penyam pô meyaré'é Penyam ntap mbit nsèn ap pòkéri, Na mbe mkpùkét kpùkét rèni na.
Lùkét-nsie/Nùne-nsie/ Shùetkét-nsie	Yùe a nsète patâ Ngét penyam kpùkét Ngét li'shu penyam shi' mbô meyaré'é

► **Nga gbèt tùtù tù nsèn pua tù lemgot**

Nshinne yùe nga kpa'tu tù ntunté-fù' mfa tù nga gbèt tùtù tù nsèn pua tù lemgor a

Yu fa-lùep	Ma'môntu i
Mfüt-nké nsîkét li'	Ngét ndun ndun yu fùeme nsie yié ndi' mo'
Ntunté-fù' yùe a nkupshe nkuo'she na	A na ngét shimo' tùtù kùndû yié ndi' pua yùe a mfa mkpî ne A na ngét yu fùeme nsie pua yi wumshe ne tùtù yié ndi' mo'
Nshù-lùm	A na ngét tùtù yié ndi' mo' A na ngét yu fùeme nsie pua yi wumshe ne tùtù yié ndi' mo'
Fim pua fùfùet nkùkét	
Ntôn-lùm	
Lùkét-nsie/Nùne-nsie/ Shùetkét-nsie	
Nshùere-nsie	Na ngét li' koptu ne shimo' ndun ndun patâ yié ndi' mo' pua tám-nsha yùe nsha ka' na ntùm a ; Sùemwa pua nsie nùet nké tù tám pua vùt-nké

• Yu kpa'tu yùe a pua' tù nshu-li' na

Yu fa-lùep	Ma'môntu i
Mfüt-nké nsíkét lí'	Ngét ndun ndun yu fùeme nsie yíé ndí' mo'
Nshù-lùm	Ngét nsie, nké ne pashua a pua' méénké na yíé kù mbù i, Ndâ nsa'nsie mbôkét yíé ndí' Lí'yù patâ kpa' mbùbe mentén Tâmamba pua ngùm tùm njù Mvop mbôkét nkeme.
Nshùere-nsie	Ngét nsie ntap mbit mbù i yum Ndun ndun yu fùeme nsie yíé ndí' Yua a ngét njù pe pòkéri na pùbe Yua a ngét nsie pe wumkéri na kpa' mbùbe mentén, Nsie nùne, ngwere, nshùerekére
Tù-nguo pua lemngot ne gba' tûtù tù nsèn	Ngét nsie pua nké yíé pit mbù i, fùfùet yíé pit yùe mùn mbe njiéne na Ngét wube pút me fâne nsie po ghâmnjù shí' mbô shu'kéri Ngùngâ pua lí'kop-tu penyam kpa' nsète mentén Yua a ngét nsie pe wumkéri na kpa' mbùbe mentén, Nsie nùne, ngwere, nshùerekére,
Nsie yùe a nùne, ngwere, nshùerekét na	Na ngét nsie shí' mbô shu'kéri (pe-tâm nké, pe-shambù' nké nténekére tù lí'li', pôn-penké ntap mbit njé' tù mbuo shi ngùengùe yíé yu-fùeme nsie yùe a pua' yíé nké na.
Pùbe nsie ne fu	Ntu-nté fù' yùe a nkupshe nkuo'she na Yua a ngét nsie pe wumkéri na kpa' nsù'shekét mentén, Nké-mbù yùe a ntô na pe pô shùesh'í
Pe ngét na ne min ùe	A nyí yíé nké, mbùbe nké pua nsum ne fùfùer e ; Nò'shekét penyam mbit mbùbe ngùnga yùe a pua' yíé nké mbe nshùshù' nké na ?

► Yu kpa'tu yùe a yétne yimfa ndun mùnyùtu pua nshu-mi ne

Yu fa-lùep	Ma'môntu i
Mfüt-nké	Yùe a ntue ne nkù nkù yá ne : (koléra, yá yùe a mfa kène rèni ne, mfùe ; Yùe a ntue ne min lo' sâkéri, mbùbe nké na ; Ngét nké nue shí' mbô kamkéri ne patù ngu na ; Ngét njié gbù tù ngu Ngét pùen kupshe pin yítékéri Mbit ngét pùen mkpùkét rèni.
Nkuo'she ntunté fù'	Yùe a nkùre yá na yíé : sèn-mâme, yá lo' tù fu yùe pe nkit tù nsum a, palù ne mekut ; Penyam pua pùenyùtu mkpùkét rèni ; Yá ngup mùn pua yi mfumfu' rèni ; Ngét njié gbù tù ngu Ngét pùen kupshe lí'shu yítékéri Ngét mkpî ná yum pua yínkwete yuyù tù nsùm shí' mbô kamkéri.
Fim nkùkét	Yùe a ntue ne yá mfumfu', (mfùe, kùe, fufu') Yùe a ntue ne yá mí na.
Fé-mù tù nsèn	Yùe a ngét pùen mkpùkét rèni na Mù mbit mfékét pùen rèni nkéé na
Nsie yùe a nnùne, ngwere, nshùerekét na	Ngét nké mbôkét shí' mbô kamkéri Nsète pa-pé tù nsum Pa-tâ mkpùkét rèni Yá lo' tù nkamkét nké Nsètekét lí'shu Ngét pùen mkpùkét rèni
Pùbe nsie ne fu	Ngét nké ndí' yùe mùn nue na Mfa yá lo' tù nké ; yi ngup mùn ne yi tù mfumfu' mùn

► Yu kpa'tu ndun yu-kure

Yu fa-lùep	Ma'môntu i
Inondation	Ngét nsie pua sùemwa nyikét tù mashi yùe a nzáne nké na ; Ngét sùemwa nyî tù baraje yùe a mfa mù ne Ngét mbùbekét yum tù ùzin
Fim kùkét	Yíre yî mentén na nsètekét lí'shu, yua pe kutkét meshi' yimbe nkupshe wupme pua shimo' pùen e, meshi' mù lâtre pua shi' yingumshe ne nké ;
Fé-mû	
Nsie yùe a nùne, ngwere, nshùerekét	
Ka pe lo' ghét ne min ùe a pua' yimbükér a	Mbe nguon ndo'két nsù yùe nké nja' ntùm a Mbe ngét nké mfüt ntumkét tù mbuo shi, nsí lí' rèni na ; Nkwet nkwet min na ngét lí' mkpa' mbù pù ne yinjùene





Shapître 3

Yughére yùe a pû, mbe mbishe mi pe sâm ma

Kamerun kùre shimo' yua pe ká mbî pe ngére ñêre mi pe ma' ntùne-sù ne nkupshe-ntunté-fù', mbe yua pe tèt mbe ngétkére tù Ngu Pamum, pa yiéka shimo' ngùengùe yire ngét-ngam pua' ñùrùt, lo' nkunjù na.

1. Ntùne-sù yùe apû pùen yi tù Ngu pamum a

Nga ntùne-sù yùe apû pùen yi ne na mbône ngu yua a yùen nga fa'mansie, nga shùshù' ñwet, ne nga pùenyùtu (...) ñêre mi patù ngu pe ngére ma pém mi nshié yum ka mvom ap lo' tù nkupshe-ntunté-fù'.

Yire yua pùen ngét a pî pe pôkéri na pua' yî mi : nga pé-tùtù, nga tûme nsie pua min tù rû, yimbe kuome nâ yum pô tù mù mbôkét (mû nkié)

Tablo yî mansie na ndét ndun-ndun yu ntùne-sù yùe pe tét mbe ngére nganga yùe a ntue, pùen pî tét mbe ngére tù Ngu Pamum a.

Mgbâ fa’	Ntùne-sù yùe a tét mbe na ne yùe pe lo’ yié’re mfé na
Nké pua ka pe lo’ ghét a pû na	Yinkù’két lí’ ne pâm ùe pe rûne ne nsie na meshi’ tùe mfüt-nké Yimfù’shekét rû pua lí’ ya’ nké Yimbe ntùme nsie tù rû
Yua pe kutkét na	Yinkù’két lí’ ne pâm ùe pe rûne ne nsie na meshi’ tùe mfüt-nké Yimfù’shekét nkop-mánjé ne nguo Yinkèn mi pùen ma kut ndap ña yùe nsie mâ mbû i na Yimbékét tùtù pua yinûkét mvom ngutngure meshi’ tùe’ nké Yi mbékét tùtù tùe’ fûfûet
Nga fa’ mansie, tâ patâ ne vé nsha	Yinsue-fêt tù nké yùe a nja’ na ñêre mi a pe nzabe shisha’ ; Yinuot pe-tâ pua shûshûre tù nsùm ne ya’fu ndômbu-pa’re, ya’fu ndapa’ ne yi yuwuo’ ; Yimbé pô ngùet-pâm ùe pe fû’she mbit nkùre meshi’ yire lí’ na. Yinta’ lí’ ngùngâ mfé meshi’ pa-tâ Yimfù’she ngùngâ meshi’ patâ ; Yimbé pô ngùet-pâm ùe pe kùre na Yimfa’ nsùm mbe ntâ mo’ lí’ meshi’ mo’ lùm-fa’ Mbe mbé pa-pé nkupshe ; Mbe mfù’she wupme patù la’ tù nga mù yùe pe nsue tù kwer a
Fu pua prodû yùe a mbùbe nsie na	Pùen pe nto’she pô min ùe a ntùm tù kishùm tù ndab a, meshi’ fùeme nsie, Mbe ngét pùen nju’ mi : mùn pe shi’ yi fû’ angré sue tù nsùm, apû ngéé pe nkite ndu vù tù nsùm Mùn pe nkite nshénké lapin tù nsùm ñêre mi i nuot nsùe’ pua shimo’pe-tâ yùe pe ñam mùn ne.
Nga gbèt-tùtù tù nsèn pua nga tû sùemwa, nguo pua lemngot	Sue-kuome pé shimo’ tùtù Mbe ngumshe ne tùtù yùe a ka’ na mbuor a Mbe nâ yùm pô tù mù-nkié Mbit mgbète ka apû pe pe mgba’ tùtù na, nto’ li ntùm Mbe mfù’she lí’ ña yùe pe ntù nguo mbit ntùme sùemwa ne



2. Ntùne-sù yùe a ntue tue mbí pù nkéé mi pùen yíé're tù Ngu Pamum a

Shimo' yu ntùne-sù yùe a yùne pua fa' yùe pe mfa' tù Ngu Pamum a pua' yintanke tù tablo yí mandsie :

Mgbâ fa'	Ntùne-sù yùe a ntue tue mbí pù mi pe yíé're na
Tù nga fa' mandsie, nga tâ-patâ ne vé nsha.	Yimfù'she nga kite nké tù ngùet yu-pé Yingét wupme tù nga kite nké meyêt meyêt tù pâm ùe pe mfé'é pô tù lùkét fù' na Yimfù'shekét li-nké, nké-ntù ne vùt-nké Yinsho' pa-pé meshi' fù'lùm, Mbe mfùeme nsie pô ne mfùem ùe a tap nsé'é rù na ; Ndét yimfù'she gaz tùm mandsie ; Mbe nkuome nsue pô mfùem ùe a ndo' tù min ùe pe mbe nkit tù ndí lí' na tù nsùm.
Nshumbôkét, nké ne yingét mi lí' pe mbe rênkéri	A na ntue lo' tù : Yinsù'she produ yùe pe nkit tù nsùm a ; Yimférekét nga yingét mi lí' pe mbe rênkéri ngu fù' ; Yimbe nsue fu tù nké ñêre mi nké pù yinue ; Yimbe mfù'she yu kùre nsie ne min
Nga gbèt-tùtù tù nsèn pua nga tù sùemwa, nguo pua lemngot	Sue-kuome pé tùtù mbit mféere pe mbu'-tùtù yùe a pua' ñùrùr a , Mbe nto'she nsèn ùe pe nshî na ; Mbe nâ yùm pô tù mû-nkié Mbit mgbète ka apû pe pe mgbâ' tùtù na, nto' li ntùm Mbe mféere lí' ña yùe pe ntù nguo mbit ntùme sùemwa ne
Nga kutkét yùm pua ndap ndap	Yimgbète yíe apû pe kut ngu ne, ntue méé tù yi la' ; Mfù'she ndap nganga nkutkét ndap nkù ka, ké a ri' shêtndu nkunjù, ké a ntô wankuo'-mbù nkunjù, a ma vañe mùn ne. Nkutkét nka' nkùkét meshi' tùe' nké yùe a mbe mfüt na, nganga yimbèt nguo meshi' kù' nké



► **Ma' mōntu kùtùt** **Pe pe ntùbe meshi' yingumshe ne ndùt-nshu**


Pü na nzon mi p'upue pe mbuop-mbîne tû shire shî ntùbe pû ngûeshe ne pùn meshi' yingumshe ne ndùt-nshu m'upue na :

NGA MIN ÛE PE NKIT NA

- Pe yétne yindét fitu min ùe pe mbe kit yíé nké a wuon mfa ne



- Pue pe nkit min pô tû mbañ min ùe pe yap ma



MFÛT-NKE NE NSHUERE NSIE

- Pue ma kut ndap tù li'nsie mbuotkét/li' fa lùep (pe lét fitu yire nza li')



- Pue ghét pe ka'két li'nsie ké pue ndo' kut nshié ndap ndun



MÛ NSÈN

- Pue ma sue mù tù kwer ùe a pâre njü' na, meshi' kwete nsu-fa'



- Pue ta' nkwete pô mo' wupme nduni yié yimbe mfa'fa' nshâre lùm nganga yintâ nsie mfûem pit nyi ntùm nku



MA'FOM NSÈN

- Pue sù'she nga gbèt tùtù meshi' yimfi i



- Pue pe mbé tùtù pé ñêre mi ndùt-nshu m'upue pe pòkéri
- Pue pe nâ yùm pò ne nkié



YIMBÙBE NSIE NE FU MBÜKÉT

- Pue ma kù mbe nsue angré mbit nkit fu rèni tù nsùm



- A pe mfa' pue fa' nshâre fù', nkupshekét pa-pé tù nsùm mbit mkpa'shekét pa-pé ndun ndun, mbu pue na mfù'she nsùm ñêre
- Pue pe mbum mfùeme nsie pô ne mfùem ùe a ndo' pô tù min ne



Shimo' lerewa shùe pe yùe'ne ntùm a

MINEPDED :

- 2021, Mbône wupme mfa tù mbènkuo' la' (yùe pe pit ntue ne)
- 2015, Mgbète ka (tù mbôn'î) mùn métne tù Nga Nkupshe-fù' na.

Kên ngure yi Lonü yùe a yùen nga nkupshe-fù', yùe pe pètte ne lum 1992 ;

Kên 96/12 yi 05 liénjù tù mùt shu'-pâm lum 1996, yùe a nshùkét tù nkùka mùn yétne yimbe ngét tù ndüt-nshu mi na.

Ráne mi tù mi-shùkér ùe a pua' tù lérewa na

Yua a pû mùn ghét tù nkupshe-fù' na	A pua' yinjîrekét nshu, wume mbône ne ntunté fu' yùm mfa ndun kpa'tu tù nga ntunté-fù' nsié-nsié nganga nkusù fù', yié a ntue ne pua ka a ntue pe na.
Ka pe yétne yinsù'-she nkùkét nkupshe fù' na	A na ntue lo' pô pue mùyütü yùe, tù wume shi yi me nshü' nshü' i lo' sü'she shimo' yua i ngétkét mbe mbùbe mba' yùe a i ngum nshin a, nganga yùe i nshì' ngu' ta' mânjé ka i mbe ndùem tù mo' lí' nduni na...
Yu pükér ùe mùn yétne yinkù' nkusù ka a ntue na	A yétne yimbe mo' nsié yùe a yétne yinshùere nsí pùen na ; mo' fu yùe a mbishe yinkite pô tù nsum shì' pe njap pôkéri a shì' nyí tù payù na ; yua mùn pe shì' wumshe mén, a pùbe lí' pua pùen a.
Puo'she ma yié mvá	A pua' pe lí' shùe a mbe lapé', mùn nkweite me fâne pè' ghùghùem nganga pè'mbère na.
Nkupshe-fù'	A pua' ntunté fù' yùe a ghét mùyütü a pe, lo' tù fa' shi na, shì' pe lo' pit wùme ka a pe mbishe mi yire fù' pe na.
Vùe tùtù tù nsèn	A pua' yimbe mgbá' tùtù shì' sap, shì' nùshe-tu mi a ntue pe nnû-nsie men-tén a pit ntùe' kùe ndap, pua mbù nsie ne tu-ñweri ?
Yâ-nshîère, yùe a mvé penyam a	A pua' yâ yùe a mvit ndem ntùm, nyi ndun penyam, nyi ndun pengop, mi mùn pe pe nzène, tù me komshe fù', ngop nganga mvi tù njü' pí kpù mentén a
Mba' shì' mgbée	A pua' mba' yùe a ndù tù ghamnjù, nkù mbe ñùrùr a, pua yùe a mbí ghét mùyütü tù yimbe ntõnte nsèn, ntõnte min, shì' yí yua a ntue fa manjem a.
Nka' tùè' fùfùet	Yire nka' pua' yùe pe mbékét pô mo' nsap tùtù yùe mfu mi pua' rèni, ngá shi nguon po mansie na. Shire nsap tùtù pua' pô yi tùè' fùfùet.
Yu pükét, yi kpa'tu	A pua' yu lékér ùe mùn nju'she ne lùm shi na.

Gha pi ntuate

Tù mgbâ yi Nsa'ngu (MINEPDED)

- Lééra' ngure **BRING**, Mânshût ndafa' yingumshe mbit nshâshe ngu yua a pua' lo' mansie na ;
- **OBEN NDIOM FRANCOIS**, Mo'ndî ngâ to'li mbète ipâ

Tù mgbâ yi Ndanshûr ùe a njûen nga fa' tù mbôn'î na

- **NINGINI Paul**, Ntèsù ngure tù nga mgbète fa'
- **ISSEKIN ONGMISSI Amandine**, pum mgbètnyî tù nga mgbète fa'

Tù yi Nshût Pamum

- **NJIFENJI Emmanuel Francis**, wuofit nga pu' yùm mfe tù Nshût
- **NJOYA NSAGOU Soulemanou Constant**, wuofit nga pu' yùm mfe tù Nshût

Nsun-fa' yi nkunjù

- **Dr TSAMA NJITAT Valérie**, Ngâ fa wupme.



Pour plus d'informations :

Equipe d'Appui Technique de l'OIT
au Travail Décent pour l'Afrique
Centrale et Bureau de Pays pour le
Cameroun, la Guinée Equatoriale
et Sao Tomé et Príncipe

B.P. : 13 Yaoundé-Cameroun
Tél. : (+237) 222 50 52 00
Fax : (+237) 222 50 52 66
Email : yaounde@ilo.org
Site web : www.ilo.org/yaounde